

اعتصام

اعتصام خادم اولور دینیزه، شرع مبینہ ﴿اعتصام اجتماعی بز بویله کوزل مبل متینہ﴾
 ﴿ادب پندای﴾

۹ رجب سنه ۱۲۳۷	{ منافع عامیه خادم مجموعه اسلامیه در }	۱۰ نیسال سنه ۱۳۳۵
-------------------	--	----------------------

بر جرأت جاهلانہ و بر رحمت مستفقرانہ !

احمد شیرانی

مشرکاک و مسلمانانقده عبادات

طاهر المولوی

اختیار بر سلطنتک تاریخی

طیار رحمی

نقده حرمت

حافظ باقی

قصه لرده چیرندن چیقندی و جیقور . . .

حافظ عبدالرحیم ناجی

بر حسب حال دینی

محمد عالم

مسائل شرعیہ دن بر سؤال

ح . م

محل اداره : قانج - اعتصام

فیثان (۵) غر و شدر

عرفاتدن ایندکدن سوکرا مشعر حرامده طوروب بابالرینک ، دده لرینک یاد
مفاخرینی تکرار ایدرلر، مناده اوج کون اوطوروب بوندن اول حرکت ایله یئرلی
کنهاکار صایرلردی .

حج موسمنده مال کنیروب صاتانلرک حجنی غیر مقبول عد ایله اوکیبلره و واج
لاحاج و دیرلردی .

شریعت مظهره ، حج و عمره ارکانندن یادکار اسماعیل اولانلری ایفا ایله علاوات
مشرکینی لغا ایله دی .

••

عالمه الصلاة والسلام افندیملرک بشت و هجرتدن مقدم حج و عمره یی ایفا ایله مش
اولدیغنده — تفصیلات بولونماقده برابر — شبهه یوقدر . حتی رسالتدن سوکرا
حج موسملونده مکه جوارینه کلن قبائل آراسنده طولاشوب کندیلرینی ایمانه
دعوت ایتیمسی و انصار کرام ایله یینه حج موسملرنده بولوشوب کوروشیمسی بونی
مؤید دلائلندیر . فقط دها ۱۲ ، ۱۳ یاشلرنده برچو جو فکن اک زیاده سهومه دیکی
شیار بوتلر اولدینقی راهب (بحیرا) ایله ملاقاتنده سویله یین نجی اکرمک سن رجاله
وصولندن سوکراده بوتلر نامنه قلییه و مشرکلرک علاواتنه تبعیت ایتیمه مش اولدینقی
آزاده اشتباهدر . نیمه کیم قبل النبوة قریشک اعتیادینه مخالف اولارق عرفاتده
وقفیه طور دیغنی اصحابدن بعضیلری روایت ایتمشدر .

مابعدی وار

طاهر المولوی

سنه ۱۳۸۸

اثر و تأثر :

اختیار بر سلطنتک تاریخی

— ۵ —

آلانی بوز سنه لک بر اریکه اجلاله محمد خامس آلتیش یاشنده جلوس ایتمشدی .

برجوق يوم تاريخی کبيره استانبول اوتوز درت سنه لك مدید و عصبی برسلطندن
صوکراییکی بر جلوس داما کوریوردی .

استانبول آفاقی کونلردنبری طوب طراقه لرله ایکه مش و بورغون دوشمش
ایدی . آرقی ، عبدالحمید خانك خلیله و قوتلی امیدلرله محمد خامس مقدرات ملتله
وضع یدایتدی . حلم و سکونیه تضاد تشکیل ایدن زمان سلطانی وقایع الیه یه صحنه
اولمش و چوق آجی کونلر کورولمشدر ، محمد خامس دوری هان هان بر عهد
ضایعاتر . تورکارک هر قوتی بو عهدده فضولی اسراف ایدلای . ملکاً ضایعات
جهنندن بوتون عصرلره و اسلافه رقابت و تفوق ایدر . پک غلیانی و مهور کونلردن
ترکب ایتش بو عهد سلطنت ایکی کله ایله خلاصه ایدیله بیلیر : [دور اکراه
و سقوط] .

هر ایکی باشنده برر سقوط بولنان اختیار سلطنتک بدایتی عبدالحمید خانك سقوط
حزینله باشلامش ، دو قوز سنه فرمانفرمای اقبال اولدقدن صوکرایی حکومت اتحادیه نك
سقوط ولوله داریلله نهایت بولمشدر . محمد وحیدالدین عادلک جلوسیه اتحادیون
نفوذ آ و ۸ تشرین اول سنه ۳۳۴ ده فعلاً و کایاً دوشمشلدر . نه غریب جلووه
عرض ایدرکه ؛ سلطان مجید خانك نائل تاج درت اوغلندن ایکی حربه نظارتنده
برر صالی کونی مظهر بیعت اولمش ، دیگر ایکی ده عنفنه قدیمه دولته رعایه آجداد
عظامنك جالس اولدقلری طوبقبو سرای هاپوننده برر برشبه کونی احراز رتبه
امامت ایتشلردی . مراد خامس ، محمد خامس ، حربه نظارتنده ؛ عبدالحمید خان
ایله محمد وحیدالدین خان طوبقبو سرای هاپوننده قاغد اورنك خلافت اولدیلر .
عصیان و قتال ، حرب و جدال ، هجران و ملال محمد خامسك ، بو زوالی اختیار
بادشاهك نصیبه عهداماتی اولدی . حدودلرده کنج قانلر ، آنا یوردده اوکسوز
یاشلر ؛ صولر کبی آقندی ، کیتدی . قرق سیاهییه مجادلاتندن دولایی صیق صیق
قایدلر دوشوب قالمشلدر . اتحاد و ترقی جمعیتی بر جسته وضعیتتی ترک ایدمه مش
اولدیفندن موقع رقابته جیقان هر فرقه یی بوغیوردی . فداکاران امت ، احرار ،
خلاصکار ، حریت و اشتلاف فرقه لرینی هپ برر برر آزمش ایدی . مملکتده نافذ
الحکم اولدی . دو قوز سنه ظرفنده موقع اقتداره کلن قایدلر شونلردی :

۳۱ مارت ۳۲۵	۱ — توفیق پاشا قاینه‌سی
۲۲ نیسان ۳۲۵	۲ — حسین حلمی پاشا قاینه‌سی
۳۰ کانون اول ۳۳۵	۳ — ابراهیم حق پاشا قاینه‌سی
۱۸ ایلول ۳۲۷	۴ و ۵ — سعید پاشا قاینه‌سی
۹ تموز ۳۲۸	۶ — غازی مختار پاشا قاینه‌سی
۱۶ تشرین اول ۳۲۸	۷ — کامل پاشا قاینه‌سی
۱۰ کانون ثانی ۳۲۸	۸ — محمود شوکت پاشا قاینه‌سی
۳۰ مایس ۳۲۹	۹ — سعید حلیم پاشا قاینه‌سی
۲۲ کانون ثانی ۳۳۲	۱۰ — طالت پاشا قاینه‌سی



محمد خامس سینه‌لو کچدکجه نفوذ موجودیتی غیب ایدیوردی . او یله بر حاله کلدی که ، اوطورور ، قالقار ، کزهر ، یورور ، اختیار و مبارک بر بیک ! آلتیوز سینه‌لوک بر سلطنت آرتق حقیقه منجیل ایدی . هر درلو وقایعه قارشی او مقام صومبوردی . بو دور و بعض عهد اسلاف ایله قیاس ایدیله یه چک قدر چرکین بر منظره ارائه ایتکه باشلامشدی . نه فاصله سلطنت اطلاق ایدیان امیر سلیمان ایله موسی خاگ سلطنتاری ، نه ده ابراهیم اولک عهد جنتی ونه ده محمد رابع زمان سلطنت صباتی هیچ و هیچ بری بکزمه یوردی . بو ، تام معاسیه قانون نامه ، حق وعدل نامه بر عهد قلب و تحکم ایدی . نه چاره که [محمد خامس] عنوان مبدلک بو عهدلیمه مبدأ و منتهی اوله سی آرزو ایتمز ایدک . او نام ایله محبوب و مرغوب بر دورلایح خاطر اولسون . . بویله ایستردک نه آیم و دلسوز خاطره !! حایم خاقانه یالکز برشیی* او کره تیلاش ایدی : [دعا] آره سیره دوشربجه خرقة سعادت دائره سینه کیدر ، معاً عتبه رسالتدن استمداد ایدردی . مملکتده اولان بیتان ایشلرک هیچ بریشتدن معلوماتی یوقدی . اوکا [سن پادشاهسک فلانی وزیر یاباجقسک] دیورلر و او ، یالکز آغیر و سونوک بر کولاکه کبی حرکت ایدیوردی . آمینم که ذوالی مغفور خاقانم قانون اساسی ده ، مشروطیتی ده بویله آکلا یوردی . حق

و ناموسی خلافتی اداره و استعجاله مجزی تحقق ابدن علیل بر شهریارك حق یالكنز
 بر وساده انزوا دگیدر ؟ مسن و معنوه بر خاقان سربر سلطنته دكل سدير استراحتنه
 كنتريلير . مغفور خليفه مك وجودی و قلبی بيله استراحتدن محروم ايدلدى . او ؛
 اراده سبز بر صاحب تاج و اراده ايدى . او نامه ؛ عبدالحجيد خانك بويوجك ، ماوى
 كوزلو ، ياموق كى آق صاجلى اوغلى دكل ، بر ايكي كشى اجراى سلطنت و حكومت
 ايدىوردى .

قانوك بوتون نفوذى شرف افندى سواقغه نقل ايدلشيدى . حادثات ايامه
 محمد خامسك سراىي ابكم و اصم ، بالهكس قلوبلر ناطق و آمر ايدى . بالجله اوامر
 و ارادات اورادن صادراوليوردى . سقوط بلاد ، سقوط رجال ، سقوط اخلاق ، بر
 بيله كى امتك اوزرينه چوكش ايدى . سخيى ذهنيئرله تعقيب ايديان طريق ؛
 سقوط بلادى ، جمعيتك رقيب ، قاهر ، وضعيتي سقوط رجالى ، يكيك نامه خلاف ذاب
 اسلام آجيجلان جيفير سقوط اخلاقي انتاج ايدى . حرب عمومينك صوك سنه لرنده
 محمد خامسك شعبه سى بيكلرله يتيم ايله ينه او مقدار كنچ قادين و قزلدن عبارت
 قالمشدى . باي نختى ، آرتق نفسلرى كسيلمش باجلرله ماضينك ديشدار متناقضى ناقل
 جماعتسز مناره لر و دونكي حياتك بقيه خاطراتى كوسترر اوجاق ييغىلرى و ياريم ،
 جليز حياتى سنه سنه باصمش حالسز كيلى جاديرلردن مرك تماماً بر انقراض ماضى
 آلتنده ايكله يوردى . اجهل بر كيت ، ابكم بر سراى ، اهم بر نفوذ ، غدار بر موشته
 مضيق بر تنفس ... ايسته محمد خامسك دوقوز سنه لك حيات و مقدرات سلطنتى !!
 شمشير اجل بر ضربه ايله ناكهائى بو جانه خاتمه چكدى . افتتاح اميد نظرلرني
 آتى مهلكه ديكرى و تيره دى . انظار ، آتى مدهش حضورنده تيره ركن ؛
 دوقوز سنه لك بر حيات ناجده هر كوشه سى بر وقته دلخراشى ياد ايدن طوبقو
 سرايندن ابوك مقبره سكوت و سكوتنه نقل ايديليوردى . تقدير ، ايلك جلوه ايله
 صوك جلوه سنى بو ملجا ابدى ده توحيد ايدى . و آرتق دونكي نگاه اجلال بو
 خوابگاهه بر انظر سزيع عطف ايدمرك ماضينك دربندكلرينه قاريشدى ، كيتدى .

طيار رحى